

CONVOCATORIA DE OITO CONTRATOS A TEMPO PARCIAL DIRIXIDA A ALUMNOS DE MÁSTER NO CIQUS

O Centro de Investigación en Química Biolóxica e Materiais Moleculares (CIQUS) oferta oito contratos a tempo parcial para o desenvolvemento de tarefas de iniciación a investigación en liñas de traballo cooperativas ou de interese estratéxico para o CIQUS. Como en anos anteriores, a oferta está especificamente dirixida e limitada a alumnos de máster que estén a desenvolver o seu traballo fin de máster baixo a dirección dun profesor ou profesora adscrito/a ao CIQUS.

OBXECTIVOS

De acordo cos obxectivos e coas liñas de acción aprobadas no **Plan Estratéxico do CIQUS**, a presente convocatoria de contratos pretende:

- Incentivar e captar recursos humanos para o desenvolvemento de liñas de investigación cooperativa de interese para o centro (*estratexia 5.b*)
- Incentivar o desenvolvemento de liñas de investigación prioritarias e de alto impacto (*estratexia 1.a*)
- Contribuir á atracción de estudantes de posgrao de alto nivel (*estratexia 2.a*)

CARACTERÍSTICAS

- Contratos a tempo parcial (15 h/semana) compatibles co desenvolvemento do programa formativo que estean a cursar as persoas contratadas.
- Cada un dos contratos levará asociada unha retribución económica de 600 euros/mes (brutos).
- Os contratos terán unha duración máxima de **nove meses** a contar desde a data de inicio (estimada 1 de marzo de 2015), cun periodo inicial ata o 30 de setembro e unha posible prórroga de dous meses para aqueles contratados que se matriculen na etapa de doutoramento.
- O traballo a realizar polos contratados centrarase no desenvolvemento de tarefas de iniciación á investigación, preferentemente en liñas de traballo de interese estratéxico para o CIQUS ou liñas cooperativas. As funcións específicas de cada un dos contratos serán as asociadas á liña de investigación correspondente e poderán incluír a síntese, illamento, caracterización e/ou estudo (experimental ou teórico) de compostos ou procesos químicos, biomoléculas ou materiais.

NÚMERO DE CONTRATOS

8 Contratos vinculados á actividade *Colaboración entre a Consellería de Cultura, Educación e Ordenación Universitaria para o financiamento de centros de investigación - CIQUS* (Ref. 2013-AD010).

REQUISITOS DOS CANDIDATOS

Académicos:

- Licenciatura ou Grao en Química, Farmacia, Bioloxía ou equivalente.
- Estar matriculado nos estudos de Máster oficial na USC no curso 2014/2015, e ter asignado o Traballo Fin de Máster baixo a dirección dun profesor adscrito ao CIQUS.

Outros (para a formalización dos contratos):

- Ser español ou nacional dalgún dos demais estados membros da Unión Europea ou nacional dalgún estado, ao que, en virtude de tratados internacionais celebrados pola Unión Europea e ratificados por España, lles sexa de aplicación a libre circulación de traballadores
- Os estranxeiros que non estando incluídos no parágrafos anteriores se atopen con residencia legal en España.

SOLICITUDES

Mediante instancia dirixida á Dirección do CIQUS e presentada na Secretaría do centro antes das 14 h do martes 10 de febreiro de 2015 . Xunto á instancia, os solicitantes achegarán a documentación indicada no parágrafo seguinte.

DOCUMENTACIÓN A PRESENTAR

- Fotocopia simple da certificación académica na que consten as cualificacións obtidas nos seus estudos e a cualificación media (escala 0-10). As certificacións dos estudos realizados no estranxeiro deberán presentarse coas correspondentes traducións oficiais ao español ou galego.
- Fotocopia simple do xustificante de matrícula no Máster no curso 2014/2015.
- Acreditación do traballo fin de máster que o solicitante ten asignado, con indicación do(s) seu(s) director(es), e copia do correspondente proxecto.
- Fotocopia simple da documentación xustificativa dos méritos alegados.

SELECCIÓN DOS CANDIDATOS

- O equipo de Dirección do CIQUS será o responsable de formular as propostas de contratación, tras un proceso de análise das solicitudes e de selección dos candidatos. No proceso de selección contará co asesoramento do Técnico de Promoción de I+D de CIQUS e dos profesores que forman parte da comisión de seguimento do Plan Estratéxico do centro.
- Os méritos que se valorarán como criterios de selección serán os seguintes:
 - o Expediente académico: ata 10 puntos
 - o Outros méritos de investigación (artigos, etc.): ata 1 punto
 - o Os solicitantes con proxectos de máster asociados a liñas de interese extratéxico para o CIQUS ou liñas de investigación cooperativas recibirán unha puntuación adicional de ata 1 punto

En Santiago de Compostela, a 27 de xaneiro de 2015

O DIRECTOR CIENTÍFICO

Asdo.: José Luis Mascareñas Cid

A DIRECTORA ADXUNTA

Asdo.: Mª Dolores Pérez Meirás